



EDISI 345

17 Februari 2023 M

24 Rajab 1444 H

NJEJEGAKEN SHOLAT NJEJEGAKEN AGAMI

Dening: Ust. Muhammad Hanafi, S.Ag., M.Si.

(Ketua PD Ikadi Bantul, DIY)

Nyalin Basa: Ust. Indra Gunawan, S.ST.

(Bendahara PD Ikadi Bantul, DIY)

الْحَمْدُ لِلَّهِ الَّذِي فَرَضَ الصَّلَاةَ عَلَى عِبَادِهِ رَحْمَةً بِهِمْ وَإِحْسَانًا، لِيَزِدَادُوا بِهَا خُشُوعًا
لِلَّهِ وَإِيمَانًا.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، إِلَهِنَا وَخَالِقُنَا وَمَوْلَانَا، وَأَشْهَدُ أَنَّ
مُحَمَّدًا عَبْدُهُ وَرَسُولُهُ، أَخَشَى النَّاسَ لِلَّهِ سِرًّا وَإِعْلَانًا.

اللَّهُمَّ صَلِّ وَسَلِّمْ عَلَى حَبِيبِنَا وَشَفِيعِنَا وَقُرَّةِ أَعْيُنِنَا مُحَمَّدٍ رَسُولِ اللَّهِ وَعَلَى آلِهِ
وَصَحْبِهِ وَمَنْ سَارَ عَلَى نَهْجِهِ وَسَلِّمْ تَسْلِيمًا
أَمَّا بَعْدُ؛

فَيَا عِبَادَ اللَّهِ، اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ. قَالَ اللَّهُ تَعَالَى:
أَعُوذُ بِاللَّهِ مِنَ الشَّيْطَانِ الرَّجِيمِ: «يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تَقَاتِهِ وَلَا
تَمُوتُنَّ إِلَّا وَأَنْتُمْ مُسْلِمُونَ»

وَقَالَ تَعَالَى «سُبْحَانَ الَّذِي أَسْرَى بِعَبْدِهِ لَيْلًا مِّنَ الْمَسْجِدِ الْحَرَامِ إِلَى الْمَسْجِدِ الْأَقْصَا الَّذِي بَرَكْنَا حَوْلَهُ لِنُرِيَهُ مِنْ آيَاتِنَا إِنَّهُ هُوَ السَّمِيعُ الْبَصِيرُ»

Ma'asyiral Muslimin, Jamaah Jumat Rahimakumullah,

Alhamdulillah, sedaya puji kagunganipun Allah *ta'ala* ingkang sampun paring Rahmah, barakah lan hidayahipun sahingga kita taksih setia tuhu dhateng dhawuhipun kagem tindak ibadah Jum'ah. Kanthi menika jamaah sedaya, mangga kita ikhlasaken diri kita kagem ngleksanakaken dhawuh-dhawuhipun Allah SWT, lan nebihi sedaya awisanipun.

Taqwa wonten ing pundi papan, lan wonten ing kahanan punapa kemawon, sae rikala longgar utawi rupek, sehat utawi sakit, sepen utawi rame, piyambakan utawi berjamaah, amargi kamulyan namung kanthi ketaqwaan.

إِنَّ أَكْرَمَكُمْ عِنْدَ اللَّهِ أَتْقَاكُمْ

Satemene sing paling mulya ing antarane sira ana ing ngarsaning Allah yaiku wong kang paling taqwa ing antarane sira. (Q.s. Al-Hujurat ayat 13)

Jamaah Jumat Rahimakumullah,

Nalika sasi Rajab tumeka, tamtu kaum muslimin emut dhateng prastawa ingkang dipunalami dening Rasulullah Muhammad SAW. Prastawa agung, prastawa ageng ingkang nggadahi kathah hikmah, kathah wucalan. Shalat gangsal wekdal ingkang kita tindakaken saben dinten, ingkang minangka angsal-angsal paling wigatos saking lampah Isra' Mi'raj. Pramila wonten kesempatan khutbah Jum'ah siyang punika badhe kita aturaken irah-irahan "Njejegaken Shalat Njejegaken Agami. Rasulullah Muhammad SAW paring sabda

الصَّلَاةُ عِمَادُ الدِّينِ، مَنْ أَقَامَهَا فَقَدْ أَقَامَ الدِّينَ، وَمَنْ هَدَمَهَا فَقَدْ هَدَمَ الدِّينَ

Shalat iku Sholat iku rukune agama, sapa sing ngedegake iku ateges wis ngedegake agama, lan sing sapa ninggalake iku ateges wis ngrubuhake agama.

(H.r. Imam al-Baihaqi).

Wonten ing hadits Riwayat Muadz bin Jabbal, Nabi Muhammad SAW ngendika:

رَأْسُ الْأَمْرِ الْإِسْلَامُ، وَعَمُودُهُ الصَّلَاةُ، وَذِرْوَةُ سَنَامِهِ الْجِهَادُ

Artosipun: "Pokok urusan yaiku Al-Islam, cagake yaiku shalat lan puncak paling dhuwur yaiku al-Jihad." (H.r. At-Tirmidzi)

Pramila shalat menika cagak jejegipun agami, amargi shalat nggadahi fungsi, tatacara, manfaat lan faedah ingkang sami kaliyan pirantos kagem jejegipun agami. Mapinten-pinten kautaman lan fungsi shalat antawisipun:

Sepisan, shalat dados sarana, pirantos utawi wasilah kangge *dzikrullah*, emut dhateng Allah. Emut dhateng Allah salebetipun sholat kanthi manah ingkang wening, obahing badan lan pangucap lesan. Manah ingkang ikhlas karena Allah, badan obah nedahi tunduk lan patuh kanthi fisik, lesan ngucap takbir, tahmid, tahlil, dzikir, istighfar, waosan Al-Qur'an lan donga. Estu menika tatacara ibadah ingkang sanget jangkep, istimewa lan spesial. Allah *ta'ala* paring pangandikan wonten ing Surat Thaha (20):14

إِنِّي أَنَا اللَّهُ لَا إِلَهَ إِلَّا أَنَا فَاعْبُدْنِي وَأَقِمِ الصَّلَاةَ لِذِكْرِي

Temen, Ingsun iki Allah, ora ana Pangeran kejaba Ingsun, mula padha nyembah marang Ingsun lan lakanana shalat kanggo eling marang Ingsun. (Q.s. Thaha (20):14)

Tiyang ingkang dzikrullah, emut dhumateng Allah, nyebat Allah, banjur manahipun badhe ayem, jiwaniipun tentrem. Kados ingkang dipun ngendikakaken wonten ing Surat Ar Ra'du (13):28

الَّذِينَ آمَنُوا وَتَطْمَئِنُّ قُلُوبُهُمْ بِذِكْرِ اللَّهِ أَلَا بِذِكْرِ اللَّهِ تَطْمَئِنُّ الْقُلُوبُ

"(yaiku) wong-wong kang padha iman lan atine dadi tentrem karo eling marang Gusti Allah. Elingo, mung kanthi eling marang Gusti Allah ati dadi tentrem."

(Q.s. Ar-Ra'd (13): 28)

Jamaah Jumat Rahimakumullah,

Kaping kalih, shalat dados kewajiban paling asasi, ayahan ingkang paling mendasar, amaliyah paling pokok kagem satunggaling tiyang muslim. Shalat dados simbol ketaatan lan ketundukan dhateng Gusti Inggang sampun Nyipta, Panguwaos sedaya alam, Rasulullah ngendika

فَرَضَ اللَّهُ عَلَىٰ أُمَّتِي لَيْلَةَ الْإِسْرَاءِ خَمْسِينَ صَلَاةً فَلَمْ أَزَلْ أُرَاجِعُهُ وَأَسْأَلُهُ التَّخْفِيفَ
حَتَّىٰ جَعَلَهَا خَمْسًا فِي كُلِّ يَوْمٍ وَلَيْلَةٍ

Allah ta'ala ing dalu Isra' majibaken umatku salat ping seket, lajeng kula wangsul dhateng Allah lan nyuwun kaenthengan, saengga Allah ndadosaken shalat gangsal wekdal sadinten sadalu." (H.r. Al-Bukhari dan Muslim)

Ing hadits sanesipun ingkang dipun riwayataken dening Sahabat Thalhan bin Ubaidillah

رَوَى طَلْحَةُ بْنُ عُبَيْدِ اللَّهِ، قَالَ: «جَاءَ رَجُلٌ إِلَى رَسُولِ اللَّهِ صَلَّى اللَّهُ عَلَيْهِ وَآلِهِ وَسَلَّمَ، فَإِذَا هُوَ يُسْأَلُ عَنِ الْإِسْلَامِ، فَقَالَ رَسُولُ اللَّهِ صَلَّى اللَّهُ عَلَيْهِ وَآلِهِ وَسَلَّمَ: خَمْسُ صَلَوَاتٍ فِي الْيَوْمِ وَاللَّيْلَةِ، فَقَالَ: هَلْ عَلَيَّ غَيْرُهَا؟ فَقَالَ: لَا، إِلَّا أَنْ تَطَوَّعَ

Dipun riwayataken saking Thalhan bin Ubaidillah, piyambakipun ngendika: Setunggaling tiyang ndatengi Rasulullah SAW, dheweke banjur takon bab Islam, lajeng Rasulullah SAW paring sabda: Shalat limang wektu ing sedina sewengi. Wong lanang iku banjur takon: Punapa kula dipun wajibaken shalat kejawi menika? Nabi banjur paring jawaban: Ora, kejaba sunnah. (H.r. Al-Bukhari dan Muslim)

Mila tiyang muslim, kita nggadhahi ayahan kagem ngabdi dhateng Allah Ta'ala kanthi tulus, ikhlas. Motif ipun namung kagem pikantuk ridha nipun saking Allah kemawon. Allah paring firman:

وَمَا أُمِرُوا إِلَّا لِيَعْبُدُوا اللَّهَ مُخْلِصِينَ لَهُ الدِّينَ لَا حُنَفَاءَ وَيُقِيمُوا الصَّلَاةَ وَيُؤْتُوا
الزَّكَاةَ وَذَلِكَ دِينُ الْقَيِّمَةِ

Lan dheweke iku ora diparentahi apa - apa kajaba laladi ing Allah jejeg anggone nglakoni agamane, lan nglakoni sholat, bayar zakat, hiya iku agama kang bener. (Q.s. Al Bayyinah (98): 5)

Shalat gangsal wekdal dados kewajiban ingkang sampun dipun temtukaken wekdalipun. Wonten ingkang enjing, siang, sonten lan ndalu. Niku pratanda bilih tiyang muslim tansah emut dhateng Allah, wonten wayah napa kemawon.

فَإِذَا قَضَيْتُمُ الصَّلَاةَ فَادْكُرُوا اللَّهَ قِيَامًا وَقُعُودًا وَعَلَىٰ جُنُوبِكُمْ ۚ فَإِذَا اطْمَأْنَنْتُمْ
فَاقِيمُوا الصَّلَاةَ ۚ إِنَّ الصَّلَاةَ كَانَتْ عَلَىٰ الْمُؤْمِنِينَ كِتَابًا مَّوْقُوتًا

Salajengipun, nalika sira wis rampung shalat, elinga Allah nalika sira ngadeg, nalika sira lungguh, lan nalika sira teturon. Banjur yen wis rumangsa aman, banjur ngleksanake shalat (kaya biasane). Satemene shalat iku wajib ing wektu tartamtu tumrap wong-wong kang padha iman. (Q.s. An-Nisa: 103)

Jamaah Jumat Rahimakumullah,

Kaping tiga, shalat niku ibadah ingkang ngandhut kathah kesaenan, kathah manfaat. Ibadah ingkang saget ndamel srana keslametan ing donya lan akhirat. Sahabat 'Abdullah bin 'Amr ngaturaken bilih Rasulullah SAW ngendika

مَنْ حَافَظَ عَلَيْهَا كَانَتْ لَهُ نُورًا وَبُرْهَانًا وَنَجَاةً يَوْمَ الْقِيَامَةِ وَمَنْ لَمْ يُحَافِظْ عَلَيْهَا لَمْ
يَكُنْ لَهُ نُورٌ وَلَا بُرْهَانٌ وَلَا نَجَاةٌ وَكَانَ يَوْمَ الْقِيَامَةِ مَعَ قَارُونَ وَفِرْعَوْنَ وَهَامَانَ
وَأَبِي بَنِي خَلْفٍ

"Sapa wonge kang netepi shalat, bakal oleh pepadhang, hidayah lan keslametan ing dina qiyamat. Dene sing sapa ora netepi shalat, ora bakal oleh pepadhang, hidayah lan keslametan. Lan ing dina kiyamat, dheweke bakal diklumpukake bebarengan karo Qorun, Fir'aun, Haman, dan Ubay bin Kholaf." Khalaf." (H.r. Ahmad)

Jamaah Jumat Rahimakumullah,

Dene ingkang **kaping sekawan**, ibadah shalat punika saged nyegah manungsa saking maneka warni tumindak ingkang awon, tumindak mboten sae, utawi salah. Awit tiyang ingkang dzikrullah, eling marang Gusti Allah, mesthi mboten bakal wantun tumindak ala lan kadurjanan maneka warna, amargi rumaos muraqabatullah, pangwasane Allah ing sakabehing tumindak lan lelaku. Allah *ta'ala* ngandika ing Surat Al Ankabut (29):45

أَتْلُ مَا أُوْحِيَ إِلَيْكَ مِنَ الْكِتَابِ وَأَقِمِ الصَّلَاةَ ۚ إِنَّ الصَّلَاةَ تَنْهَىٰ عَنِ الْفَحْشَاءِ
وَالْمُنْكَرِ ۚ وَلَذِكْرُ اللَّهِ أَكْبَرُ ۗ وَاللَّهُ يَعْلَمُ مَا تَصْنَعُونَ

Maca Kitab (Al-Qur'an) sing wus diturunake marang sira (Muhammad) lan lakanana shalat. Satemene shalat iku nyegah saka (tumindak) kang nistha lan mungkar. Lan (ngertio) enget Allah (shalat) iku lurwih gedhe (utamane tinimbang ibadah liyane). Gusti Allah ngerti apa sing kok lakoni. (Q.s. Al-Ankabuut: 45)

Jamaah Jumat Rahimakumullah,

Kaping gangsal; shalat minangka pirantos, media kanggem nyenyuwun lan nyuwun pitulungan marang Gusti Allah. Ing padintenan, gesang kita mbetahaken kathah kabetahan. Lan kagem nyukupi kabetahan kasebat kadhangkala gampil lan kadhangkala rekaos. Gesang iku ana wektune longgar, ana wektune sempit. Onten ujian ingkang entheng ing urip, onten ingkang awrat. Lan Muslim musthi gumantung dhateng solusi saking macem-macem masalah ing gesang namung sambat dhateng Allah *Ta'ala*. Lan caranipun yaiku kanthi ndedonga/shalat. Allah *ta'ala* ngendika ing Al-Qur'an surat Al Baqarah (02): 45,

وَاسْتَعِينُوا بِالصَّبْرِ وَالصَّلَاةِ ۗ وَأِنَّهَا لَكَبِيرَةٌ إِلَّا عَلَى الْخَاشِعِينَ ۙ

Lan nyuwun pitulungan (marang Allah) kanthi sabar lan shalat. Lan (shalat) iku pancen abot, kajaba wong kang khusyuk. (Q.s. Al-Baqarah: 45)

Wonten setunggaling hadits riwayat Abu Dawud, Hudzaifah RA paring warta:

كَانَ النَّبِيُّ صَلَّى اللَّهُ عَلَيْهِ وَسَلَّمَ إِذَا حَزَبَهُ أَمْرٌ، صَلَّى

Nabi Muhammad SAW nalika ngraosaken sumelang amargi satunggaling perkawis, lajeng panjenenganipun sholat. (H.r. Abu Dawud)

Jamaah Jumat Rahimakumullah,

Lan kaping enem; Shalat minangka pirantos kagem mbusak lan ngresiki dosa. Kanthi njejegaken shalat, dosa ingkang dipun tindakake manungsa bisa ical lan resik. Amal ingkang saget ngicali dosa yaiku amal ingkang penting sanget.

أَرَأَيْتُمْ لَوْ أَنَّ نَهْرًا بِبَابِ أَحَدِكُمْ يَغْتَسِلُ مِنْهُ كُلَّ يَوْمٍ خَمْسَ مَرَّاتٍ، هَلْ يَبْقَى مِنْ دَرَنِهِ شَيْءٌ؟

“Menawa ing ngarep omahmu ana kali lan saben dina adus kali kaping lima, apa isih ana rereget?”

قَالُوا: لَا يَبْقَى مِنْ دَرَنِهِ شَيْءٌ

Para Sahabat menjawab: “Mboten wonten babar pisan.”

Banjur Rasulullah shallallahu alaihi wa sallam ngandika:

فَذَلِكَ مَثَلُ الصَّلَوَاتِ الْخَمْسِ، يَمْحُو اللَّهُ بِهِنَّ الْخَطَايَا

Mangkono pasemon shalat limang wektu kang Allah bakal ngresiki kesalahan (dosa).
(H.r. Al-Bukhari dan Muslim).

Jamaah Jumat Rahimakumullah,

Kanthe mangertosi maneka warni nilai tambah, manfaat lan keistimewaan ibadah sholat, kita badhe langkung semangat, mantep lan ikhlas anggenipun nindakaken shalat minangka bukti tunduk lan pasrah dhateng Allah *ta'ala*. Kanthe njejegaken shalat, uga bakal njejegaken agami.

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ، أَقُولُ قَوْلِي هَذَا، وَأَسْتَغْفِرُ اللَّهَ لِي وَلَكُمْ وَلِسَائِرِ الْمُسْلِمِينَ مِنْ كُلِّ ذَنْبٍ فَاسْتَغْفِرُوهُ إِنَّهُ هُوَ الْعَفُورُ الرَّحِيمُ

Khutbah Kedua

الْحَمْدُ لِلَّهِ عَلَى إِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ، وَأَشْهَدُ أَنْ لَا إِلَهَ إِلَّا اللَّهُ

وَحَدَهُ لَا شَرِيكَ لَهُ تَعْظِيمًا لِحُكْمِهِ، وَأَشْهَدُ أَنَّ نَبِيَّنَا مُحَمَّدًا عَبْدُهُ وَرَسُولُهُ الدَّاعِي إِلَى
رِضْوَانِهِ.

أَمَّا بَعْدُ؛

فِيَا عِبَادَ اللَّهِ، اتَّقُوا اللَّهَ حَقَّ التَّقْوَى، وَأَطِيعُوهُ فِي السِّرِّ وَالنَّجْوَى.

ثُمَّ صَلُّوا وَسَلِّمُوا عَلَى الْهَادِي الْبَشِيرِ، وَالسَّرَاجِ الْمُنِيرِ، نَبِيِّنَا مُحَمَّدٍ صَاحِبِ الْفَضْلِ
الْكَبِيرِ. فَقَدْ قَالَ اللَّهُ تَعَالَى فِي كِتَابِهِ: «إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا
أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا»

اللَّهُمَّ صَلِّ عَلَى مُحَمَّدٍ وَعَلَى آلِ مُحَمَّدٍ كَمَا صَلَّيْتَ عَلَى إِبْرَاهِيمَ وَعَلَى آلِ إِبْرَاهِيمَ إِنَّكَ
حَمِيدٌ مَجِيدٌ، وَارْضَ اللَّهُمَّ عَنِ الْخُلَفَاءِ الرَّاشِدِينَ، أَبِي بَكْرٍ وَعُمَرَ وَعُثْمَانَ
وَعَلِيٍّ، وَعَنِ الصَّحَابَةِ أَجْمَعِينَ، وَعَنَّا مَعَهُمْ بِمَنِّكَ وَكَرَمِكَ يَا أَكْرَمَ الْأَكْرَمِينَ.

اللَّهُمَّ اغْفِرْ لِلْمُؤْمِنِينَ وَالْمُؤْمِنَاتِ، وَالْمُسْلِمِينَ وَالْمُسْلِمَاتِ، الْأَحْيَاءِ مِنْهُمْ
وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدَّعَوَاتِ، وَيَا قَاضِيَ الْحَاجَاتِ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ.

اللَّهُمَّ إِنَّا نَسْأَلُكَ الْعَفْوَ وَالْعَافِيَةَ، وَالْمُعَافَاةَ الدَّائِمَةَ، فِي دِينِنَا وَدُنْيَانَا وَأَهْلِنَا وَمَالِنَا.
اللَّهُمَّ إِنَّكَ عَفُوٌّ مُجِيبُ الْعَفْوِ فَاعْفُ عَنَّا

رَبَّنَا ظَلَمْنَا أَنْفُسَنَا وَإِنْ لَمْ تَغْفِرْ لَنَا وَتَرْحَمْنَا لَنَكُونَنَّ مِنَ الْخَاسِرِينَ.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

وَالْحَمْدُ لِلَّهِ رَبِّ الْعَالَمِينَ.

أَقِيمُوا الصَّلَاةَ.